



Vischnanca Trin

Urden da scola e scolina

sa basond sin l'art. 20 da la lescha davart las scolas popularas dal chantun Grischun (lescha da scola) dals 21 da mars 2012.

I. Disposiziuns generalas

Art. 1

Stgalims da scola

- 1 La vischnanca da Trin maina ils suandants stgalims da scola:
 - a) stgalim da scolina biling
 - b) stgalim primar biling cun Rumantsch Grischun
 - c) Ils uffants dal stgalim superiur èn suttaless tenor contract al urden da scola da la vischnanca da Flem. Quai vala era per l'urden disciplinar e per ils fatgs d'absenzas.
- 2 La frequentaziun da la scolina è obligatorica per uffants da lingua estra.

Art. 2

Obligaziun d'ir a scola, lieu da scola, frequentaziun gratuita

L'obligaziun d'ir a scola, il lieu da scola sco er la frequentaziun gratuita sa drizzan tenor il dretg chantunal.

Art. 3

Uras da bloc

La vischnanca da Trin garantisce sin il stgalim da la scolina e sin il stgalim primar las uras da bloc prescrittas dal chantun.

Art. 4

Structuras dal di

La vischnanca da Trin porscha en cas da basegn structuras dal di supplementaras.

Art. 5

Purschidas supplementaras

- 1 En cas da basegn po la vischnanca da Trin stgaffir ulteriuras purschidas sco lavur sociala da scola u purschidas da timeout.
- 2 Sche necessari installeschan las instituziuns responsablas per la scola purschidas spezialas per scolaras e scolaras che han talents extraordinaris.

Art. 6

Purschida da la pedagogia speziala en il sector simpel

Per ordinar e per realisar mesiras da la pedagogia speziala en il sector simpel è responsabla la vischnanca.

Art. 7

*Scola da talent,
classas da talent*

La vischnanca po manar ina scola da talent resp. classas da talent per scolaras e scolars cun talents spezialas.

Art. 8

*Giudicament, pro-
moziun e midada
da stgalim*

Il giudicament sco er la promoziun e la midada da stgalim da las scolaras e dals scolars vegnan fatgs tenor il dretg chantunal.

II. Persunas d'instrucziun

Art. 9

*Relaziun
d'engaschament*

- ¹ Las persunas d'instrucziun èn emploiadas da la vischnanca.
- ² La relaziun d'engaschament da las persunas d'instrucziun vegn fundada, observond il dretg chantunal, cun in contract da dretg public.

III. Direcziun da la scola

Art. 10

*Direcziun da la
scola*

La vischnanca nominescha ina direcziun da la scola. Quella ha la direcziun pedagogica ed administrativa da scola e scolina ed ella é obligada da far visitas da scola sper il cussegl da scola. Sias obligaziuns e cumpetenzas èn definidas en in carnet da duairs.

IV. Cussegl da scola

Art. 11

Organisaziun

- ¹ Il cussegl da scola consista almain da trais commembras u commembers. El vegn manà da la presidenta u dal president dal cussegl da scola ed el sa constituescha sez.
- ² Il cussegl da scola vegn convocà da la presidenta u dal president dal cussegl da scola uschè savens sco che las fatschentas pretendan

quai ubain sch'ina commembra u sch'in commember pretenda quai.

- 3 A las sesidas dal cussegl da scola pon – sche necessari – vegnir envidadas ulteriuras persunas cun vusch consultativa.
- 4 Davart las tractativas sto vegnir fatg in protocol.

Art. 12

*Abilitad da
decider*

Il cussegl da scola è abel da decider, sche dapli che la mesadad da las commembras e dals commembers è preschenta.

Art. 13

*Obligaziuns e
cumpetenzas*

- 1 Il cussegl da scola maina e surveglia la scola ed exequescha la legislaziun chantunala e communal da scola. El ademplescha tut las incumbensas da la scola che n'èn betg delegadas ad in'otra autoritad u ad in'otra instancia tras relaschs chantunals u communs.
- 2 El ha cunzunt l'incumbensa da:
 - a) decider davart l'anticipaziun respectivamain davart la suspensiun da l'entrada en il stgalim da scolina ed en il stgalim primar;
 - b) decider davart la cuntinuaziun da l'onn da scola en ina classa inferiura, sch'in uffant è surdumandà;
 - c) decider davart il sursigilir ina classa;
 - d) decider davart purschidas supplementaras per uffants da lingua estra;
 - e) decider davart l'ordinaziun e davart l'aboliziun da mesiras da la pedagogia speziala en il sectur simpel;
 - f) decider davart l'exclusiun da la scola d'in uffant durant il temp da scola obligatoric;
 - g) decider davart la relaschada anticipada d'in uffant il pli baud suenter otg onns da scola obligatorics;
 - h) decider davart la recepziun d'in uffant d'ina outra instituziun responsabla per la scola sco er davart ils daners da scola;
 - i) fixar las vacanzas – cun excepziun da las vacanzas d'atun e da Nadal – en enclegientscha ed en coordinaziun cun ils cussegls da scola da la regiun sco er declerar occurrenzas da scola spezialas sco obligatoricas ils suentermezdis libers u las sondas;
 - j) relaschar in reglament davart absenzas e congedis;
 - k) relaschar in urden disciplinar;
 - l) engaschar e desdir las persunas d'instrucziun e la direcziun da la scola;
 - m) relaschar in carnet d'obligaziuns per la direcziun da la scola;
 - n) far visitas da scola durant l'onn da scola;
 - o) relaschar in reglament davart la furmaziun supplementara e

- davart il congedi da furmaziun supplementara da las personas d'instrucziun e da la direcziun da la scola;
- p) sancziunar cuntravenziuns cunter l'art. 68 da la lescha chantunala da scola;
 - q) engaschar e desdir las personas d'instrucziun, las substituziuns, il pedel e la direcziun da la scola;
 - r) dad avoir la pussaivladad, las cumpetenzas ed ils duairs, ch'il cussegl da scola ha tenor lescha da scola, da delegar quellas ad auters organs (direcziun da scola) e relaschar reglaments correspundents;
 - s) dar congedis a personas d'instrucziun per conferenzas, curs, ospitaziuns d'instrucziun, collavurar en cumissiuns e gruppas da lavur scolasticas e per activitads extrascolaras. Il cussegl da scola sto lubir congedis che cuzzan pli che tshintg dis;
 - t) eleger la media u il medi da scola e la dentista u il dentist da scola;
 - u) decider davart expensas totalas fin Fr. 500.00 per motivs da scolaziuns ni da la scola che n'èn betg el preventiv;
 - v) lubir occurrenzas da scola ni da sport da scola, sco era emnas da projects.

Art. 14

Presidi

- 1 La presidenta resp. il president dal cussegl da scola represchenta il cussegl da scola vers anora, prepara las fatschentas dal cussegl da scola e procura per l'execuziun dals conclus prendids.
- 2 En cas urgents che pertutgan il champ da cumpetenzas dal cussegl da scola prenda ella resp. el las mesiras necessarias. Tenor pussaivladad decida il cussegl da scola definitivamain en chausa a chaschun da sia proxima sesida.

V. Giurisdicziun

Art. 15

Via giudiziala

- 1 Cunter disposiziuns e cunter decisiuns da las personas d'instrucziun, da la direcziun da la scola e da la presidenta resp. dal president dal cussegl da scola poi vegnir fatg recurs tar il cussegl da scola entaifer 10 dis.
- 2 Cunter disposiziuns e cunter decisiuns dal cussegl da scola che pertutgan fatgs da scola poi vegnir fatg recurs tar il departament d'educaziun, cultura e protecziun da l'ambient entaifer 10 dis, nun che la lescha chantunala da scola disponia insatge auter.

- ³ Cunter decisiuns d'assegnaziun negativas e cunter disposiziuns che concernan la nunpromozion respectivamain la promozion poi vegnir fatg recurs tar l'uffizi per la scola populara ed il sport entaifer 10 dis. L'uffizi po prevair ina procedura speziala per giuditgar ils recurs.

VI. Disposiziun finala

Art. 16

Entrada en vigur

Quest urden da scola entra en vigur suenter l'approvaziun dal departament d'educaziun, cultura e protecziun da l'ambient e suenter il conclus da la radunanza communal dals 03 da december 2014 retroactiv per ils 01 d'avust 2014 e remplazza l'urden da scola vertent dals 27 da schaner 2009.

Il president communal:

Il chanzlist communal:

Stefan Cahenzli

Jean Marc Rietmann